

明鑑易知錄

七

113

537

55



413
537
55

尺木堂明鑑易知錄卷十四

天正十五年二月

上虞朱國標聖懷

周之炯靜專

山陰金士懋逸溪鈔

山陰吳乘權楚材同輯

周之燦星若

明紀

懷宗端皇帝

編巳卯十二年春正月我

大清兵克濟南德王被執詔逮山東巡撫顏繼祖下

獄論死編二月

明鑑易知錄 卷十四 明懷宗 一

大清兵北旋編巡撫河南常道立削籍以縱寇渡河也以李

仙風為河南巡撫編以司禮太監崔琳清理兩浙鹽

課賦稅逮河南總兵張任學編三月左良玉大敗

河南賊于內鄉今河南南陽府內鄉縣編夏四月撫治鄭云陽

今湖廣鄭陽府戴東旻免以王鰲水撫治鄭陽編五月張獻

忠叛于穀城御史林鳴球死之紀初賊首高迎祥既

誅李自成困川西羣盜失勢獻忠連敗精銳俱盡始

乞撫以緩誅初無降意及據穀城今湖廣襄陽府穀城縣潛句

鉤諸賊為犄角見三卷遂復思叛去舉人王秉貞為

林鳴球死節

之謀主至是遂殺穀城知縣阮之鈿田以叛降賊羅

汝才號曹九營並起應之獻忠脅御史林鳴球上書

求封於襄陽鳴球不從遂殺之編秋七月總理熊文

燦總兵左良玉俱削職殺賊自贖紀文燦檄吸諸將

進兵穀城獻忠焚穀城西走與羅汝才合良玉追賊

於房縣屬陽西賊設伏羅睺侯山良玉兵度隘入伏

中賊四合圍之突圍戰敗績一軍盡沒良玉失其符

印僅收殘兵數百走回房縣事聞文燦良玉俱革職

自効編詔撤各鎮內監還京大學士薛國觀免編

李自成函
谷之敗

安慶巡撫史可法以憂歸。編八月命大學士楊嗣昌以兵部尚書督師討賊。賜尚方劍。紀初熊文燦與嗣昌深相結納。嗣昌冀文燦成功以結上知。文燦既敗。嗣昌內不自安。請督師南討。故有是命。編九月秦兵大破李自成于函谷。見上卷十九紀自成眾散略盡。其部下相繼俱降。自成竄漢南。秦兵蹙之於北。左良玉隴武關。在陝西西安府商州以南。自成窮蹙不得他逸。食且盡。自經者數四。養子李雙喜救之。自成因令軍中盡殺所掠婦女。以五十騎衝圍而南。遂逃入鄖陽。息馬深山。

中時河南大饑。饑民所在為盜。自成乃自鄖均。今湖廣襄陽府走伊洛。二水名俱在河南河南府饑民從者數萬。勢復大振。

編冬十月楊嗣昌至襄陽。詔逮熊文燦入京。論死。乘西市。編拜左良玉為平賊將軍。紀良玉所部多降將。楊

嗣昌謂可倚以辨賊為請於上。故有是命。編是歲兩京河南山東山西早饑。編彗星。見七卷八見諭停刑。

編庚辰十三年春正月。逮湖廣巡撫方孔炤。命宋一鶴為湖廣巡撫。編閏月督師楊嗣昌奏辟。壁也。末州今湖廣末州府推官萬元吉為軍前監紀。從之。編二月楊嗣

張獻忠瑤山之敗

昌駐襄陽調兵勦賊編平賊將軍左良玉大破張獻忠于太平縣屬江南寧國府之瑤馬瑤山紀良玉斬賊首萬級獻忠精銳俱盡止千餘騎自隨遁走興歸山中尋自鹽井竄興房界上良玉屯興安平利諸山連營百里諸軍憚山險圍而不攻賊伏深箐精中重賄山氓市鹽與米酪山中人安之反為賊耳目陰輸兵情於賊獻忠得以休息收散亡養夷傷羣盜往往歸之兵復振時羅汝才過天星七股賊盡入蜀編風霾見卷六早詔求直言編諭戶部以保定未清等郡縣芻

糧給畿南饑民發帑金六千賑山東編三月免畿郡料匠等銀賑京城貧民各錢二百編楊嗣昌次荆門紀嗣昌立大勦營以新募湖南殺手二千人隸之更以麾下騎兵為上將營新撫降丁皆隸焉以副將猛如虎將之編夏四月罷郎撫王鰲永以袁繼成撫治鄖陽編五月減商州湖廣田租紀上以兩京及山東西河南陝西各處告飢命地方有司設法賑濟招徠流徙撫按躬行州縣定殿最以聞編截漕米萬石賑山東編六月張獻忠自興房走白羊山轉入而西編

秋七月發帑金二萬賑順天保定編八月發倉粟賑河東飢民帑金三萬賑真定山東河南飢民編九月張獻忠羅汝才陷大昌今四川夔州府大昌縣編二賊屯夔城山背賊行營輜重婦女甚衆而諸軍多觀望不前但尾賊後所至關隘防兵多遠遁賊長驅直過二賊合兵趨達州屬夔州府謀西渡編張獻忠羅汝才渡河入巴西今四川保寧府編楊嗣昌命監軍萬元吉監諸軍西行尾擊賊編冬十月張獻忠羅汝才陷劍州屬保寧府編官軍轉戰於綿州屬四川成都府二賊渡綿河而西編出帑金萬

兩市舊綿衣給京師貧民編十二月李自成陷永寧殺萬安王采鑿慶編自成圍永寧今河南河南府永寧縣陷之焚殺一空殺萬安王連破四十八寨土賊一斗穀等羣盜響應遂陷宜陽今河南府宜陽縣衆至數十萬杞縣屬河南開封府諸生李巖爲之謀主賊每以剽掠所獲散濟饑民故所至咸歸附之其勢益盛編加福建叅將鄭芝龍署總兵紀芝龍既誅劉香老海氛頗息又以海利交通朝貴寔以大顯編是歲兩京山東河南山西陝西浙江大旱蝗至冬大饑人相食

呂維祺死
節
李自成號
闖王

編辛巳十四年春正月李自成陷河南府殺福王前
兵部尚書呂維祺死之自成自號闖王紀自成圍河
南府福王募死士逆戰斬獲頗多賊引退賊以大砲
環攻城城守嚴不動及昏而退總兵王紹禹兵有馳
而呼於城上者外亦呼而應之紹禹兵即執副使王
胤昌於城上紹禹馳解之諸軍曰賊已在城下即總
鎮其如我何揮刀殺守陴皮城者數人守陴者皆
驚墜堞堞即賊緣堞而上叛兵迎之賊遂入賊焚
福王府福王及世子俱縋城走士民被殺數十萬執

王胤昌已下各官皆不死惟一典史不屈見殺河南
方大饑通判白尚文墜城死其屍為飢民所食頃刻
盡自成發藩邸及巨室米數萬石金錢數十萬賑飢
民自成跡福王所在執之并執前兵部尚書呂維祺
維祺遇王於西關謂王曰名義甚重毋自辱王見自
成惶怖頓首乞命自成責數上聲其失遂遇害賊置酒
大會以王為俎雜鹿肉食之號福祿酒維祺罵賊不
屈死世子逸走遇亂兵劫之裸而奔於懷慶是時羣
盜輻輳自成自稱闖王雄諸賊事聞上震怒逮王紹

福祿酒

猛如虎等
開縣之敗

禹窄也之籍其家。編副將猛如虎率諸將及張獻忠羅汝才于開縣大戰。敗績。一賊東走。紀初賊南竄。督師監軍元吉欲從間諫道出梓潼。見上卷拒歸路以待賊。楊嗣昌檄諸軍躡賊急追。不得距賊遠。令他逸。諸將皆盡向瀘州。屬四川賊折而東。返歸路盡空。不可復遏。至是猛如虎率諸將及賊於開縣。屬四川夔州府參將劉士傑奮先揮戈而進。如虎亦率親兵從之。士傑奮勇前搏賊陣。連勝之。獻忠憑高而望。見後軍無繼。左軍皆前。却不進。因以精銳繞谷中。出官軍後。馳

而下。左軍先潰。士傑及遊擊郭關如虎子先捷皆戰死。前軍已覆。如虎突戰潰圍出。馬仗軍符盡失。賊東走巫山。大員。二縣名俱屬夔州府元吉赴開縣。收召殘兵。祭陣亡諸將。哀動三軍。嗣昌在雲陽。縣名屬夔州府聞開縣失利。始悔不用諸將拒歸路之謀矣。賊既度巫山。晝夜疾走。興房山中。編二月。李自成寇開封。巡按高名衡。周王恭枵焉悉力禦之。賊乃退。編詔逮河南巡撫李仙風。仙風聞之自縊以高名衡巡撫河南。編張獻忠陷襄陽。殺襄王。兵備副使張克儉。推官酈日廣。死之。紀獻忠羅

張獻忠陷襄陽

弩力盡此
一杯酒

汝才走宜城。今湖廣襄陽府宜城縣。偵見七卷襄陽無備。簡二十騎持符偽為官兵。夜至城下。守者驗符信啓關。賊既入。即揮刀大呼殺門者。城中先伏賊百餘。俱起應之。縱火光燭天。賊大隊疾馳至。城中大亂。門洞開。味爽。且微明也。賊盡入城。知府王承曾突圍走。克儉曰。廣皆死之。賊焚襄王府。執襄王。獻忠據坐王宮。坐王堂下。勸之以卮酒。曰。吾欲斷短楊嗣昌頭。而嗣昌遠在蜀。今當借王頭使嗣昌以陷藩伏法。王其弩力盡此一杯酒。因縛王殺之。投屍火中。福清王常澄逃免。潛遣

人索王屍已燼。僅拾顱骨數寸以歸。賊殺宮眷并貴陽王常法。盡掠宮女。發銀十五萬以賑飢民。襄陽守兵數千。軍資器械山積。悉盡為賊有。左良玉同袁繼咸發兵馳援。已不及。賊渡江破樊城。在襄陽府城北漢江上。陷光州。屬河南汝寧府新野府新野縣。編李自成陷歸德。編三月督師大學士楊嗣昌自縊。意于軍。紀時李自成已陷河南。福王遇害。嗣昌以連失二郡。喪兩親。藩度不免。遂自盡。監軍元吉部署行營。命猛如虎駐蘄。今湖廣黃州府蘄州府。防張獻忠東逼。編削平賊將軍左良

十八孩兒
主神器
徐世淳死
節

王職戴罪平賊。逮鄖撫袁繼咸入京。以襄陽失陷也。**編**夏四月。召前大學士周延儒入朝。**編**進陝督丁啓睿兵部尚書。代楊嗣昌督師討賊。**編**左良玉率兵擊李自成于南陽。自成北走。**紀**自成屯於盧氏。永寧。寶豐舉人牛金星向有罪當戍邊。降於賊。自成以其女為妻。金星薦卜者宋獻策善河洛數。獻策長不滿三尺。見自成獻圖讖云。十八孩兒當主神器。自成大喜。拜軍師。**編**張獻忠羅汝才合兵陷隨州。屬湖廣德安府。知州徐世淳死之。**紀**世淳合戶被殺。吏民屠慘不遺。血流成溝。澮

編五月。出兵部尚書傅宗龍于獄。以右侍郎都御史督陝西兵討賊。**編**秋七月。羅汝才北走李自成營。**紀**汝才不合於張獻忠。走鄧州。屬河南南陽府。與自成合營。時自成有衆五十萬。復得汝才軍。衆益熾。**編**八月。左良玉擊張獻忠於信陽。今南陽府信陽州。大敗之。**紀**良玉敗獻忠於信陽。奪其馬萬餘。降衆數萬。獻忠負重傷。易服夜遁。竄入山中。良玉軍聲大振。**編**九月。張獻忠奔李自成。**紀**初。獻忠與自成並起。延西。以狡詐相雄長。自陷襄陽。楊嗣昌縊死。自以威名遠出。自成右。及敗來

歸僅從數百騎自成方強欲屈之獻忠不為下自成怒欲殺之羅汝才知之陰選五百騎資獻忠令他從獻忠乃晝夜東馳與回革諸賊合入霍山扼險拒守編陝西總督傅宗龍與保定總督楊文岳會兵討李自成敗績宗龍被執死之紀宗龍與文岳之兵會諸將賀人龍李國奇將秦兵虎大威將保定兵共結浮橋渡河合兵趨項城今河南開封府項城縣自成羅汝才亦結浮橋於上流見三卷九官軍至盡伏精銳松林中陽驅諸賊自浮橋西渡宗龍文岳兩軍並進次孟家莊諸

軍散行墟落以求芻牧賊突起林中搏官軍人龍國奇兩軍俱潰人龍大威北奔國奇從之保定兵宵潰文岳夜奔項城宗龍獨立營當賊壘賊築重圍以困之夜漏二下宗龍潛勒軍突賊營潰圍出諸軍星散宗龍徒步率散卒且戰且走翊日至項城賊及之被執至城下賊呼於門曰我秦督官軍也請啓門納秦督宗龍大呼曰我秦督也上聲不幸墮賊手左右皆賊耳母為所給賊唾宗龍宗龍罵曰我大臣也殺則殺耳豈能為賊詐城以緩死賊抽刀擊宗龍中腦

傳宗龍死節

陳永福射
中李自成
左目

而什復厲聲罵賊斷其耳鼻死城下遂陷項城屠之
詔復宗龍兵部尚書太子太保編冬十月張獻忠召
六營賊復出攻舒城編十二月李自成圍開封總兵
陳永福射石中自成左目自成退屯朱仙鎮紀自成
羅汝才合兵陷禹州屬開封府徽王遇害復圍開封巡撫
高名衡永福等竭力守禦周王貯庫金於城頭攜一
賊者予百金斬一首者五十金戰沒者卹其家五十
金傷者以輕重為差唯殺賊甚眾永福射中自成左
目自成屯朱仙鎮見上卷內鄉鎮平唐縣新野俱降

於賊鄧州知州劉振世死之編是歲兩京山東河南

浙江大旱蝗

編壬午十五年春正月李自成攻開封不克解圍去

紀自成攻開封益急洞車附城鑿城塼土而空之廣

數尺實以火藥然之一烘薨而裂曰小放窟城縱橫

數丈實火藥然之一發震天曰大放賊以精騎數千

布圍於外執汴汴州即開封府人畜本土穴城為大窟十餘

輦火藥數萬斤百炬齊然賊患環也甲持矛望城崩

將擁入賊穴城奮其土礮力於外累累成阜火藥一

小放大放

丘民仰死節

關永傑等死節

發崩天。孰。告。皆。飛。鳴。外。嚮。賊。之。布。圍。於。外。者。人。馬。成。血。糜。城。之。未。穿。者。堅。如。石。猶。尋。丈。賊。駭。解。圍。去。**編**起。孫。傳。庭。兵。部。侍。郎。總。督。陝。西。兵。勦。寇。**編**二。月。我。大。清。兵。破。錦。州。遼。東。巡。撫。丘。民。仰。被。執。不。屈。死。之。**紀**。先。是。錦。州。今。盛。京。錦。州。府。圍。急。民。仰。與。總。督。洪。承。疇。進。至。松。山。為。聲。援。諸。將。王。樸。等。軍。大。潰。民。仰。承。疇。入。守。錦。州。城。誓。以。同。死。至。是。民。仰。被。執。不。屈。死。事。聞。贈。右。都。御。史。**編**李。自。成。羅。汝。才。陷。陳。州。兵。備。副。使。關。永。傑。等。死。之。**紀**自。成。汝。才。合。羣。盜。八。十。萬。圍。陳。州。屬。開。封。府。永。傑。率。

殺賀人龍

士民死守。賊周圍四十里。更番進攻。求傑力竭。城陷。戰死城上。鄉紳崔必之。舉人王受爵等。咸手刃數賊。被執罵賊死。賊怒屠陳州。**編**夏四月。陝西總督孫傳庭。殺總兵賀人龍。**紀**傳庭檄召諸將於西安聽令。人龍以兵來會。傳庭大集諸將。縛人龍坐之旗下。而數聲。上之曰。爾為大帥。遇寇先潰。致秦督委命賊手。一死不足塞責也。因命斬之。諸將莫不動色。因以人龍兵分隸諸將。刻期進討。人龍米脂。見上卷六。人初以諸生効用。佐督撫討賊。屢殺賊有功。總全陝兵。叛將劇賊多。

賀風子死

鄭履祥死

歸之人龍推誠以待往往得其死力朝廷嘗疑入龍
 與賊通密敕傅庭殺之賊聞入龍死酌酒相慶曰賀
 風子死取關中如拾芥矣編李自成羅汝才復攻開
 封紀先是賊再攻不克士馬多殺傷羣賊畏憚日逃
 亡數千賊乃申約圍而不攻以坐困之編五月以鄭
 三俊為刑部尚書編張獻忠襲陷廬州知府鄭履祥
 死之紀先是獻忠遣英霍英山霍山二縣名遊民陽
 為貿易者潛入廬州城適督學御史以較士至郡獻
 忠遣賊數百負書卷衣聲青衿雜諸生應試者旅寓

城中夜漏三下獻忠捲甲疾馳入郡城中賊縱火應
 之城陷學使者及兵備副使蔡如衡俱走知府鄭履
 祥死之廬州城池高深賊屢攻不能克至是一夕而
 陷編以馬士英為兵部左侍郎兼右僉都御史提督
 鳳陽編六月以蔣德璟黃景昉吳牲牲並為東閣大
 學士編張獻忠復陷六安今廬州府紀獻忠將州民
 盡斷短一臂男左女右總兵黃得功劉良佐兵救六
 安再戰敗績得功歸定遠今鳳陽府獻忠再陷六安
 挫得功良佐兵謀渡江入南京遂僭號改元刻偽寶

選自宮男子偽署總兵以下官編秋七月詔援開封諸軍皆潰會逮督師丁啓睿下獄保督楊文岳削職聽勘紀賊圍開封久守臣告急援勦總兵許定國以山西兵渡河援之定國兵潰於覃懷督師援勦諸軍潰於河上時丁啓睿楊文岳合左良玉虎大威揚德政方國安諸軍次於開封朱仙鎮與賊壘相望啓睿督諸軍進戰良玉曰賊鋒方銳未可擊也啓睿曰汴圍已急豈能持久必擊之諸將咸懼請詰乞朝明旦戰良玉以其兵南走襄陽諸軍相次而走督師營亂

河決開封

啓睿文岳聯騎奔汝寧賊渡河逐之追奔四百里喪馬騾七千兵數萬俱降賊事聞詔逮啓睿下獄革文岳職聽勘編八月改鄭三俊爲吏部尚書范景文爲刑部尚書進劉宗周左都御史編九月河決開封賊浮舟入城肆掠以去紀開封久困食盡人相食詔山東總兵劉澤清援開封澤清立營朱家寨賊攻之三日諸兵不至澤清引兵去開封城北十里枕去黃河巡撫高名衡推官黃澍等城守且不支恃引河水環壕壕。象。城。下池也。以自固更決隄灌賊可潰也至是河決開

封賊先營高處。然移營不及。亦沉其卒萬人。河流直衝入城。勢如山岳。水驟長二丈。士民溺死數十萬。高名衡、陳永福咸乘小舟至城頭。周王府第已沒。從後山逸出西城樓。督師侯恂以舟迎王。總兵卜從善以水師至開封城上。黃澍從王乘城夜渡。達隄口。諸軍列營朱家寨。城中遺民尚餘數萬。賊浮舟入城。盡掠以去。**編**黃得功大破張獻忠于潛山。**編**殺兵部尚書陳新甲。**紀**初周延儒為營解甚力。因奏國法大司馬兵不臨城不斬。上曰。他邊疆即勿論。修辱我親藩七。

不甚於薄。博通也。城乎不聽。**編**冬十月。我

大清兵自牆子嶺入薊州。**編**劉良佐再破張獻忠于安慶。**紀**奪馬騾五千。救回難民萬餘。獻忠引兵西走蘄水。**編**李自成復陷南陽。屠之。**編**十一月。以趙光祚為兵部右侍郎兼右僉都御史。總督薊州。永平。山海。通州。天津。諸鎮軍務。**編**左都御史劉宗周上言六事。**紀**宗周言六事曰。建道揆。京師首善之地。先臣馮從吾立首善書院。臣請亟復之。以昭聖明致治之本。曰。貞法守。高皇帝讀老氏民不畏死。奈何以死懼之。立

劉宗周上言六事

焚錦衣刑具。請一切獄詞。專聽法司。不必下錦衣。曰：崇國體。大臣自二品而上犯罪者。宜令九卿科道會詳之後。乃付司寇。司寇議辟。始得收係。此於僇辱之中。不忘禮遇之意。曰：清伏奸。凡禁地匿名文書。請一切立毀。曰：懲官邪。京師士大夫與外官交際。愈多愈巧。臣必為風聞彈劾之。惟祈嚴斷。曰：飭吏治。舍吏治之敗。無如催科火耗。詞訟贖銀。環已復為常例矣。至於營陞謝薦。巡方御史尤甚。臣請以風憲受賊之律。為回道考察第一義。上是之。編閏月。我

大清分兵南下。編李自成陷汝寧。保定總督楊文岳分巡僉事王世琮被執。死之。紀自成合諸賊圍汝寧。今河南汝寧府。監軍孔貞會以川兵屯城東。楊文岳以保定兵屯城西。賊兵進攻。相拒一晝夜。川兵潰。保定兵不支。賊四面環攻。戴扉以障矢石。雲梯如牆而立。城上矢石俱下。賊死傷衆。而攻不休。一鼓百道並登。執文岳及王世琮於城頭。文岳世琮厲聲罵賊。賊怒。縛文岳等。以大砲擊之。洞胸糜骨以死。世琮初授河南推官。屢却賊射矢貫耳。不動。號王鐵耳。賊屠士民數萬。

楊文岳王世琮死節

王鐵耳

下姜塚獄

燔燒邸舍無遺尋拔營走確山今汝寧府確山縣向襄陽掠崇王由橫塊及世子諸王妃嬪以行編下禮科給事中姜塚菜于理紀先是上戒諭言官又時有匿名書二十四氣之說隱詆朝士塚言陛下脩省罪已又致戒言官唯視言官獨重故望之獨切若云代入規卸安敢謂盡無其事臣獨展轉而不得其故皇上何所聞而云然乎如誹語騰謗必大奸巨慝惡言官而思中之謂不重其罪不能激陛下之怒箝言官之口後將爭效寒蟬壅蔽天聽誰為陛下言之哉上怒立置

削劉宗周籍

獄編削左都御史劉宗周籍紀上召廷臣於中左門問禦敵及用督撫之宜宗周曰使貪使詐此最誤事為督撫者須先極廉上曰亦須論才宗周退御史楊若橋舉西洋人湯若望演習火器宗周進曰唐宋以前用火未聞火器自有火器輒依為勁誤專在此上色不懌曰火器終為中國之長技命宗周退羣臣以次對上色解宗周又進請釋姜塚行人右司副熊開元初開元劾大學士周延儒罪上怒下鎮撫司獄言廠衛不可輕信是朝廷有私刑也上遽怒仰視屋梁曰東廠錦衣衛俱為朝

廷何公何私宗周抗論不屈左副都御史金光宸言
宗周無他意上益怒責宗周免冠謝徐起退尋廷杖
姜埰熊開元仍下獄宗周削籍光宸降調吏部尚書
鄭三俊刑部尚書徐石麒各疏救不聽石麒罷編十
二月李自成陷襄陽分兵逼荆州紀偏沅原巡撫陳
睿謨棄荆州奉惠王走湘潭今湖廣長沙府湘潭縣自成至荆
州士民開門迎之賊入荆州荆州諸縣土寇蜂起編
河南巡撫高名衡免以巡按御史王漢代之編是歲
兩京山東河南浙江大旱蝗

宋一鶴蕭
漢死節

編癸未十六年春正月李自成陷承天巡撫宋一鶴
鍾祥知縣蕭漢死之紀自成圍承天今湖廣安陸府知府開
門迎賊巡撫宋一鶴時守城下城巷戰將士勸之走
一鶴不聽揮刃擊殺賊數人而死鍾祥今安陸府知
縣蕭漢有賢聲賊戒其部曰殺賢令者死無赦乃幽
之寺中戒諸僧曰令若死當屠爾等僧謹視之漢曰
吾盡吾道不礙汝法遂自經賊改承天府曰揚武州
巡按李振聲守顯陵見八卷迎降賊賊列之上班振
聲自以與賊同姓肩輿出入營中揚揚自得賊欲發

顯陵忽大聲起山谷若雷震賊懼而止總兵方國安等退屯漢口左良玉退屯蕪湖初自成流劫秦晉楚豫攻剽半天下然志樂狗盜所至焚蕩屠滅既而連陷荆襄鄧郢席捲河南有衆百萬始侈然以爲天下莫與爭思據有城邑擅名號矣羣賊俱奉其號令推自成爲奉天倡義文武大元帥號羅汝才曰代天撫民德威大將軍自成據襄陽號曰襄京其餘所陷郡縣俱改易名號脩襄王宮殿設官分職封崇王由橫爲襄陽伯鄒陵王在城保寧王紹圯肅寧王術授俱

陳万策李開先死節

李貞死節

降賊改封伯偽政府侍郎喻上猷薦列荆州紳士賊下檄徵之江陵舉人陳萬策李開先在所薦中偽檄下萬策自經開先觸牆死編張獻忠陷斬水見卷九屠之編二月李自成陷郟夾縣知縣李貞死之紀自成分兵爲四者回回守承天羅汝才守襄陽革裏眼往黃州自將其一自成攻郟縣屬河南汝州李貞率士民堅守一晝夜殺傷甚衆賊百道環攻一鼓而拔縱兵大殺貞大聲叱賊曰驅百姓死守者知縣耳妄殺何爲罵賊不已自成怒褫解也其衣倒懸於樹貞大呼曰

高皇帝有靈。我必訴之上帝。以殺賊。賊斷其舌。剛
 之母喬氏及妻俱死。編三月。命大學士吳甦出督師。
 以討賊。紀甦出督師。給五萬金旌功。以大理評事萬
 元吉為職方員外郎。仍充督師軍前贊畫。編夏四月。
 大清兵北旋。編李自成襲殺革裏眼左金玉并其眾。
 編李自成殺羅汝才并其眾。編張獻忠陷黃州。副使
 樊維城死之。紀獻忠自蘄水疾馳至黃州。乘大霧攻
 城。黎明城陷。執維城欲降之。維城罵賊不屈。賊刺之
 洞胸死。獻忠據府。自稱西王。編五月。張獻忠陷武昌。

樊維城死節

參將崔文榮前大學士賀逢聖楚府長史徐學顏死
 之。紀總兵方國安率兵七千扼蘄州。見上。獻忠西向
 武昌。今湖廣。武昌武備積弛。闕獻交窺江漢。時議募
 兵守城。而庫藏空絀。楚王有積金百萬。長史徐學顏
 請王發金數十萬以贍軍。不聽。大學士賀逢聖家居
 倡義捐貲募兵。僉謂宜募土著。丈入聲。著土地而
 者。適承天上。見德安。今湖廣。潰會。兵俱下。楚王盡募之
 也。為軍鋒。以學顏領之。號楚府兵。獻忠沿江而上。悉師
 破漢陽。今湖廣。臨江欲渡。武昌大震。議撤江上兵。嬰

徐學顏請楚王發金贍軍

徐學顏領楚府兵

也。繞城守。參將崔文榮曰。守城不如守江。守江不如守

漢。江水在漢陽府城東南。漢水在漢陽府城北。磨盤煤炭諸洲淺不過

馬腹。縱之飛渡而嬰城坐困。非策也。議者不從。賊果

從煤炭洲而渡。直逼城下。文榮禦之。小有斬獲。賊攻

武勝門。文榮率諸軍拒之。多殺傷。楚府新募兵為賊

內應。開門迎賊。文榮躍馬持矛大呼殺賊三人。賊攢

矛刺之。洞腋死。逢聖與文榮俱守武勝門。城陷歸家。

衣冠北向再拜。以巨舟載其家出。墩子湖至中流。繫

舟。全家溺者十二人。逢聖屍沉百七十日始出葬。學顏與賊

節 崔文榮死

節 賀逢聖死

節 徐學顏死

格鬪。斷左臂。右手持刀。不仆。賊支解之。一門死者

二十餘人。賊執楚王。盡取宮中積金百餘萬。輦連上

載數百車。不盡。楚人以是咸憾王之愚也。賊沉去王

於西湖。屠僇士民數萬。投屍於江。尚餘數萬人。縱之

出城。以鐵騎圍而蹙之。江中浮屍蔽江而下。武昌魚

幾不可食。其遺民數百。多刖斷手足。鑿毀目鼻。無一

全形者。獻忠遂據楚王府。僭稱武昌曰京城。偽設六

部五府。鑄西王之寶。開科取士。授郡縣官。初李自成

立賞格

能擒獻忠以獻者賞千金。及聞取武昌復遣人賀之。曰老回回已降曹革左皆被殺行將及汝矣獻忠得書而懼多齎金寶報使於自成自成留其使獻忠恨之。編大學士周延儒罷。進脩撰魏藻德為禮部右侍郎兼東閣大學士。編六月立賞格購李自成萬金。爵通侯購張獻忠五千金官極品世襲錦衣指揮餘各有差。編進孫傳庭兵部尚書總制應鳳江。皖還上豫楚川黔勦寇軍務仍總制三邊。鑄督師七編李自成省之印成大造戰艦。咸上聲于荆襄遣老回回攻常德。紀自

李自成行

成謀自王於荆其親信大帥二十九人分守所陷郡邑。自成自隨騎兵五營營精騎二千步兵十四哨。管去哨精卒三千。劉宗敏總步。白旺總騎。每屯以騎兵一營。外圍巡徼。教耕晝夜更番。餘營以次休息。警候嚴密。人不得逃。逸者追獲必磔。窄也。裂之營兵不許多。攜輜重。兵各攜妻孥。生子棄之。不令舉。男子十五以上四十以下。咸掠為養子。為奴隸。故每破一邑。眾輒增數萬。每一精兵。則畜役人二十餘。其馱載馬騾不與焉。眾實五六萬。且百萬也。雖拔城邑。不聽

屋居寢處布幕彌望若穹廬。旃帳也。其形穹隆。故曰穹廬。其甲縫
繇帛數十重有至百者。輕而韌。認柔也。堅。矢鏃鉛丸不
能入。每戰一騎兵必二三馬。數易騎。終日馳驟而
馬不疲。嚴寒則掠茵薦布地以藉馬足。或剝枯人腹
為馬槽。實以芻菽飼之。飲去聲馬則牽入貫耳流血。雜
水中。馬習見之。遇人則嘶西聲。鳴思飲。噉淡焉。行兵
倏忽。雖左右不知所往。雞再鳴並起。葍肉食。謂朝食於葍。
也葍。葍服。薦席。鞞。駕也。馬以俟。百萬之衆。惟自成馬首。是瞻。席
卷而趨。遇大川則囊土壅上流。雖淮泗諸水亂流而

渡。橫流而渡。渡日亂。百萬合營。不攜糧。隨掠而食。飽則棄餘。有
斷食。斷鹽數月者。臨陣鐵騎三重。反顧則殺之。戰不
勝。馬兵陽北。官軍乘之。步兵拒戰。馬兵繞而合圍。無
不勝矣。以牛金星為謀主。日講經一章。史一通。每有
謀畫。集衆計之。自成不言。可否。陰用其長者。人多不
測也。其攻城。分晝夜為三番。以鐵騎布圍。步兵內薄。
博向城。人戴鐵冑。蒙鐵衣。攜椎斧鑿城。得一甃。甃入平
聲。即還。易人以進。穴城可容一人。則一人匿之。畚本
土以出。以次相繼。遂穿空旁側。地以四五步。留一主

李自成攻
城法

打亮

柱巨紲互大索繫計之。去城十餘丈。牽紲倒柱。而城崩矣。望風降者。不焚殺。守一二日。殺十三四。或五六日不下。則必屠矣。殺人數萬。聚屍為燎。名曰打亮。城將陷。以兵周布壕外。總城者殺之。故城陷必無噍類。噍。齧也。類種也。言無復有活而噍食之種也。掠馬騾為上功。次軍仗。次幣帛衣服。次珍寶。其金銀恆散棄之。或以代鉛置砲中屠城。則夷其城垣。令後莫與為守。立投順牌四。凡破城。四向負牌至村落。降者即負牌過別村。否則加兵。牌所至。日蹙千里。性慘酷。斷短耳。剔目。截指。折浙

足。剖心鑿渠體。日以為常。談笑對之。性又澹泊。食無兼味。一妻一妾。皆老嫗。於去聲。嫗。婦老稱。不畜奴僕。無子。以李雙喜為養子。嗜殺更酷於自成。自成在襄陽。以構殿鑄錢皆不成。斬一謀士。令術士問紫姑。卜之不吉。因立雙喜為太子。改名洪基。以厭厭之。鑄洪基年為錢。又不成。時聞秦督兵將至。留毛賊守襄陽家口。自成率精銳往河南。編秋。七月。以史可法為南京兵部尚書。編督師孫傳庭發兵潼關。分道討李自成。紀以總兵牛成虎。盧光祖為前鋒。會河南總兵卜從吉。陳

孫傳庭克寶豐入唐縣

永福合兵洛陽之下池塞。檄左良玉以兵自九江赴汝寧夾擊賊大營。移宛向洛。詔薊遼總兵白廣恩四川總兵秦翼明入衛。土漢官兵陝西三鎮兵俱隨督師進討。傳庭以副總兵高傑將降丁為中軍。命翼明出商洛為犄角。見上總兵王定官撫民。率綏夏二鎮兵為後勁。編八月孫傳庭次閩鄉。焚鄉。編督師孫傳庭克寶豐。誅偽州牧陳可新。遂入唐縣。賊家口悉伏誅。紀傳庭次汝州。屬河南偽都尉四天王李養純率所部來降。知賊并兵守寶豐。今汝州寶豐縣傳庭進軍寶豐合

孫傳庭復邠縣大敗李自成

圍賊堅守不下。李自成以輕兵來援。戰於城東。白廣恩高傑盧光祖分兵逆戰却之。翊日賊復以精騎數千直攻官軍。諸將復擊走之。傳庭曰。寶豐不即下。而賊救大至。則腹背受敵矣。親督諸軍悉力攻城。拔之。斬陳可新等數千級。遂以大兵搗唐縣。屬河南時賊家口盡在唐縣。賊發精騎來援。官軍已入城。盡殺賊家口。賊滿營痛哭。誓殺官兵。編督師孫傳庭復邠縣。李自成將兵逆戰。官軍大敗之。自成奔襄城。紀傳庭自朱仙鎮。見上卷而南。大雨六日。糧車日行三十里。

又道淖泥也未至士馬俱飢或勸傅庭旋師就運傅

庭曰軍已行即還亦飢奚濟乎要當破一縣就食耳

傅庭復郊縣見上縣俱窮民集騾羊二百餘頃刻分

鬻見五卷食盡不足給命河北山西就近餉傅庭軍

自成將步騎萬餘逆戰官軍前鋒擊斷自成坐纛進

逐之賊披靡震懼貌賊營逃亡者相屬視時傅庭前鋒

盡收革左革裏眼左金玉故部皆致死於賊而高傑統諸降

賊備悉賊中曲折自成遣其弟一隻虎逆戰三戰三

北自成奔襄城今河南開封府襄城縣諸軍進逼之自成累敗

而懼挑土築牆自守已食盡賊有飢色編以司禮太

監王承恩督察京營戎政韓贊周守備南京編九月

張獻忠陷永州巡按湖南御史劉熙祚死之紀初獻

忠襲陷衡州今湖廣衡州府桂王及吉惠二王走永州今湖廣永

南追三王至永州熙祚督水師禦之遣兵護三王南

行入廣西而自入永州死守奸人內應開門迎賊熙

祚被賊執賊欲脅降之不屈囚之永陽驛中閉目絕

食題絕命詞於壁賊再三諭降之臨以白刃熙祚大

劉熙祚死節

明鑑錄卷十四
罵不已。遂遇害。於是全楚皆陷。編督師孫傳庭軍與
李自成兵戰。敗績。傳庭還軍潼關。紀初大雨連旬。傳
庭軍乏餉。兵謀於汝州。降盜李際遇。陰通賊。賊率精
騎大至。傳庭問計於諸將。高傑請戰。白廣恩曰。我師
困。宜駐師分據要害。步步為營。以薄賊。賊易耳。傳庭
恐賊遁。白將軍何怯。獨不如高將軍邪。廣恩不懌。引
所部八千人先去。賊前鋒名三堵牆。一紅。一白。一黑。
各七千二百人。來薄官軍。接戰。陷賊伏中。賊乘之。官
軍大敗。高傑麾衆退。諸軍盡西走。賊驅大隊疾追。

三堵牆

孫傳庭楊
暄死節
一日馳走四百里。至於孟津。今河南懷慶府孟縣於其地置津。故各孟津。
官軍死亡四萬餘人。盡喪其軍資數萬。傳庭與傑收
散亡數千騎。走河北。賊別將克汝州。自成向潼關。白
廣恩擊破之。傳庭亦回軍潼關。衆尚四萬。編冬十月
李自成陷渭南。督師孫傳庭知縣楊暄死之。紀一隻
虎陷闕鄉。卽自成弟李過也。疾走至潼關。獲督師大
纛。賊以纛給臺上聲。守關者棄關突入。潼關陷。李自
成開道緣山崖出潼關。後夾攻。官軍大潰。賊旣入關
西行。一隻虎陷華陰。傳庭及白廣恩退屯渭南。今陝西

安府渭南縣賊合衆數十萬陷渭南傅庭沒於陣揚暉被

黃世清死節

執不屈死賊屠渭南編李自成陷南州商洛道黃世

李自成陷西安

清死之編李自成陷西安陝西巡撫馮師孔接察使

西安死節諸臣

黃炯長安知縣吳從義指揮崔爾達秦府長史章世

炯等死之紀賊陷臨潼今西安府臨潼縣關中即西人心所

在瓦解馮師孔知寇棘急入西安收保俄賊至師孔

督兵出戰城陷被執不屈死黃炯自盡吳從義崔爾

達俱投井死章世炯自經死紳士死者甚衆右都御

史三原焦源溥罵賊磔窄也死磁州道副使祝萬

齡至學宮拜先聖從容自經死禮部主事南居業罵

賊死宣撫焦源清參政田時震俱不受僞職死御史

王道純大罵賊不屈死解元席增光舉人朱誼泉俱

投井死山東監軍僉事王徵七日不食死都司史丘

從周罵賊死餘吏民皆相率降於賊總兵白廣恩逃

而追獲降之初自成剽掠十餘年既席捲楚豫始有

大志然地四通皆戰場所郡縣官軍旋復之至是

既入秦百二山河遂不可制自成據秦王府僞授秦

王存樞權將軍世子妃劉氏曰國破家亡願求一死

倪元璐請
論秦晉兩
藩

自成遣歸外家秦藩富甲天下擁貲千萬賊之犯秦也。戶部尚書倪元璐奏曰：天下諸藩無如秦晉山險用武國也。宜諭兩藩能任殺賊不妨假之以大將之權如不知兵宜悉輸所有與其齎盜何如享軍賊平之後益封兩藩各一子如親王亦足以報之。兩王獨不鑒十一宗之禍乎。賢王忠而熟於計必知所處矣。書上不報至西安陷秦藩府庫盡為賊有賊分兵徇行定諸縣皆陷蒲城今西安府蒲城縣知縣朱一統抱印投井死。初自成在楚議所向牛金星請先取河北直搗

京師。楊永裕欲先據雷都短漕運。獨顧君恩曰：否。先據雷京勢居下流難濟大事。其策失之緩直搗京師萬一不勝退無所歸其策失之急不如先取關中為元帥桑梓之邦。詩小雅維桑與梓必恭敬止注。桑梓父母所植以遺子孫給蠶食具器用者也。自成米脂人故云。且秦都百二山河已得天下三分之二。建國立業然後旁略三邊資其兵力。攻取山西後向京師進退有餘方為全策。賊從其計先是賊好殺掠牛金星勸以不殺遂嚴戢其下。民間稍安堵。輒相誑惑人無鬪志自成遂改西安府為長安打邦也。

華堞死節

掠巨室助餉。編李自成分兵略鄜乎。今陝西延安府鄜州。延即安府中部今延安府知縣華堞隸死之。編以兵部侍郎。余應桂總督陝西三邊。收兵勦寇。應桂遷延不進。紀上始聞潼關失守。以余應桂總督陝西三邊。收拾邊兵。相機勦寇。應桂聞命。飲泣陛辭曰。不益兵餉。雖去何濟。上默然。發帑金五萬給軍。應桂遷延河上不進。編以左副都御史方岳貢為東閣大學士。編十一月。李自成陷延安。復陷鳳翔。屠之。紀總兵王定高傑自渭南敗。各率所部奔延安。自成命賊將田斌守西安。

榆林闔城死節

自往塞上。高傑聞賊至。以兵渡河而東。入山西。王定奔榆林。今陝西都司榆林衛自成陷延安。大會羣賊。戎馬萬匹。旌旗數十里。於米脂。見上卷六祭墓。以五百騎按行鳳翔。今陝西鳳翔府守將誘而殲殺也之。自成怒。親攻鳳翔。陷之。屠其城。編李自成陷榆林。備兵副使都任。總兵尤世威及諸將。一城男婦盡死之。紀自成發大兵圍榆林。榆林諸將力戰殺賊。賊死者萬人。賊攻益力。逾旬不克。賊以衝車環城穴之。城崩數十丈。賊擁入城。遂陷。都任闔室自經死。尤世威縱火焚其家。百口揮刀。

明鑑易知錄 卷十四
三十一上

突戰死。諸將各率所部巷戰。殺賊千計。賊大至。殺傷殆盡。無一降者。闔城婦女俱自盡。諸將死事者數百人。榆林為天下勁兵處。頻年餉絕。軍士饑困。而殫義殉城。志不少挫。闔城男子婦女無一人屈節辱身者。榆林既屠賊。搗寧夏。今陝西寧夏衛總兵官撫民迎降。三邊俱沒。賊無後顧。長驅而東矣。編李自成陷慶陽。備兵副使段復興。董琬。前太常少卿麻禧。死之。屠慶陽。執韓王。紀時賊遣偽王往關東靈閣。諸路大張偽榜。移檄。吸河南郡縣。河南西境。賊皆設偽官。官兵

守懷慶府。編十二月。前大學士周延儒有罪。賜死。編張獻忠通好。去聲于老回回。紀時老回回為李自成據荊州。獻忠遣人與脩舊好。合兵。自成既入關。獻忠益橫。荆岳間。編李自成陷平陽。知府張嶙鄰。然走太原。吏民皆降。紀賊殺西河王等三百人。高傑聞平陽陷。擁兵東下澤州。山西郡縣聞賊至。望風迎款。賊遣偽牌徧行山西。其辭甚悖。

尺木堂明鑑易知錄卷十四

明鑑易知錄卷十五
三十一

尺木堂明鑑易知錄卷十五

上虞朱國標聖懷
山陰金士懋逸溪
周之炯靜專
山陰吳乘權楚材同輯
周之燦星若

明紀

懷宗端皇帝

編甲申十七年春正月是歲為我

大清世祖章皇帝順治元年編大風霾見七編占日

風從乾起主暴兵城破編鳳陽地震編張獻忠入夔

大風霾
鳳陽地震

明鑑易知錄 卷十五 明懷宗

州今四川夔州府編李自成稱王於西安僭國號曰順改元
永昌紀賊掠河東河津稷山榮河絳州一路俱陷自
成偽牒移文也兵部約戰言三月十日至上憂寇臨朝
而歎曰卿等能無分憂哉大學士李建泰進曰主憂
如此臣敢不竭力臣晉人頗知寇中事臣願以家財
佐軍可資數月之糧臣請提兵西行上悅曰卿若行
朕當做古推轂編癸酉夜星入月中紀占云星入月
中國破君亡編帝命大學士李建泰出師師次涿州
紀命建泰出師行遣將禮命駙馬都尉萬燁以特牲

星入月中

告太廟上臨軒廷授建泰節劍賜宴餞之上親賜卮
酒曰先生之去如朕親行建泰頓首起行是日大風
揚沙占曰不利行師建泰御肩輿不數武杆折識者
憂之建泰出都道聞山西烽火甚急建泰家且破因
遲行日三十里師次涿州初建泰承上寵命恃有家
財可佐軍需已聞家破進退失措逡巡畿內而已編
二月朔帝視朝紀上平旦視朝忽得偽封啓之其詞
甚悖末云限三月望日至順天會同館暫繳一時相
顧失色朝罷遂不復問編李自成陷蒲州及汾州紀

李白成移檄遠近

賊陷蒲汾懷慶不守福王出奔與太妃相失遂至衛輝依潞王編李白成陷太原巡撫蔡懋德中軍感應時等皆死之紀自成至太原今山西太原府太原無重兵為守蔡懋德遣驍將牛勇朱孔訓出戰孔訓傷於砲勇陷陣死一軍皆歿城中奪氣賊移檄遠近有云君非甚暗孤立而煬蔽恆多臣盡行私比黨而公忠絕少甚至賄通官府朝廷之威福日移利入戚紳閭左之脂膏盡竭又云公侯皆食肉紈袴而倚為腹心宦官皆齧痕入聲齧也糠犬豚而借其耳目獄囚纍纍士無報

下罪已詔

禮之心征斂重重民有偕亡之恨人讀之多為扼腕懋德知事必不支寫遺表令監紀賈士境開諫道奏京師盛應時見之退歸先殺其妻子誓將死敵初八日風沙大起賊乘風夜登城懋德應時策馬赴敵死趙布政毛副使及府縣各官四十六員咸死之賊屍之於城編李白成至黎城今山西潞安府黎城縣遣將陷臨晉今山西平陽府臨晉縣紀帝下詔罪已紀詔曰朕嗣守鴻緒十有七年深念上帝陟降之威祖宗付託之重宵旦兢惕罔敢怠荒乃者災害頻仍流氛日熾救之益驕撫

而輒叛。甚至有受其煽惑。頓忘敵愾。左傳。文公四年。愾。慨恨怒也。

諸侯敵王所者。朕為民父母。不得而卵翼之。民為朕

赤子。不得而懷保之。坐令平聲秦豫丘墟。江楚腥穢。罪

非朕躬。誰任其責。所以使民罹離鋒鏑。蹈水火。殲

僅。餓量平聲以壑。骸積恣成丘者。皆朕之過也。使民

輸芻輓粟。居送行齋。加賦多無藝之征。藝。準預徵有

稱貸之苦者。又朕之過也。使民室如懸磬。田卒汙萊。

田廢生望烟火而無門號。豪冷風而絕命者。又朕之

過也。使民日月告凶。旱潦薦至。師旅所處。疫癘為殃。

上于天地之和。下叢室家之怨者。又朕之過也。至於

任大臣而不法。用小臣而不廉。言官首鼠而議不清。

武將驕懦而功不奏。皆由朕撫馭失道。誠感未孚。中

夜以思。踟躕無地。朕自今痛加創艾。深省夙愆。要在

惜人才以培元氣。守舊制以息煩囂。行不忍之政。以

收人心。蠲額外之科。以養民力。至於罪廢諸臣。有公

忠正直廉潔幹才。尚堪用者。不拘文武。吏兵二部。確

核推用。草澤豪傑之士。有恢復一郡一邑者。分官世

襲功等開疆。即陷沒脅從之流。能舍逆反正。率眾來

歸。

歸許赦罪立功能擒斬闖獻仍予通侯之賞於戲忠君愛國人有同心雪恥除凶誰無公憤尚懷祖宗之厚澤助成底定之大功思克厥愆歷告厥意詔下賊前鋒已至大安驛編議京師城守編李自成攻代州總兵周遇吉退守寧武關編李自成兵趨真定知府丘茂華叛降賊紀茂華聞警先遣家人出城總督徐標執茂華下獄標麾下中軍伺標登城盡守禦劫標城外殺之出茂華茂華遂檄屬縣叛待寇賊數騎入城收帑籍近京二百里寂然無言者編進魏藻德禮

部尚書文淵閣大學士總督河道屯練往天津進方岳貢戶部尚書兼兵部尚書文淵閣大學士總督漕運屯練往濟寧紀藻德辭新銜允之有言各官不可令出出即潛遁遂止藻德等不遣編詔徵天下兵勤王紀命府部大臣各條戰守事宜上候於文華殿都察院左都御史李邦華少詹事項煜欲右庶子李明睿各言南遷及東宮監撫南京上驟覽之怒甚曰諸臣平日所言若何今國家至此無一忠臣義士為朝廷分憂而謀乃若此夫國君死社稷乃古今之正朕

節 周遇吉死

志已定。母復多言。吏科都給事中吳麟徵請棄山海關外寧遠前屯二城。徙總兵吳三桂入關屯宿近郊。以衛京師。廷臣皆以棄地非策。不敢主其議。編大學士陳演罷。紀初上憂秦寇。演謂無足慮。至是不自安求去。編李自成陷寧武關。總兵周遇吉死之。紀自成薄博寧武關。傳檄五日不下。且屠。遇吉悉力拒守。大砲擊賊萬餘人。會火藥盡。或言賊勢重。可款也。遇吉曰。戰三日。殺賊且萬。若輩何怯邪。能勝之一軍。盡為忠義。萬一不支。縛我以獻。若輩可無恙。於是開門奮

擊。殺賊數千人。賊懼欲退。或為賊策曰。我眾彼寡。但使主客分別。以十擊一。蔑不勝矣。請去帽為識。至見戴帽者擊之。遞出戰。不三日可殲也。賊引兵復進。迭戰。脫帽以自別。我兵大敗。遇吉闔室自焚。揮短刀力鬪。被流矢。牙兵且盡。見執。罵賊。賊於市磔。尸也。裂焉。遂屠寧武。自成既殺遇吉。歎曰。使守將盡。周將軍者。吾安得至此。編李自成陷大同。總兵朱三樂巡撫衛景瑗督理糧儲。戶部郎中徐有聲。朱家仕。文學李若葵。俱死之。編二月。督師大學士李建泰上書請駕南

遷願奉太子先行。紀上諭閣。臣曰。李建泰有疏。勸朕南遷。國君死社稷。朕將何往。大學士范景文。左都御史李邦華。少詹事項煜。請先奉太子撫軍江南。兵科給事中光時亨。大聲曰。奉太子往南。諸臣意欲何為。將欲為唐肅宗靈武故事乎。唐天寶十五載六月。明皇奔蜀。發馬嵬。留太子東討賊。七月太子即位於靈武。是為肅宗。尊明皇曰上皇。景文等遂不敢言。上復問戰守之策。眾臣默然。上歎曰。朕非亡國之君。諸臣盡亡國之臣爾。遂拂袖起。編欽天監奏帝星下移。編詔封總兵吳三桂。平西伯左良玉。寧南伯唐通。定

帝星下移

西伯黃得功。靖南伯編徵。山海總兵吳三桂。薊遼總督王永吉。率兵入衛。編唐通以八千人入衛。尋同太監杜之秩守居庸。編李自成兵陷保定。御史金毓峒與其從子振孫等皆死之。紀賊犯保定。李建泰已病。中軍郭中傑縋城降賊。兵潰。會賊入保定。建泰被執。毓峒守西門。賊執之。入三皇廟。見賊帥毓峒奮拳毆賊帥。仆之。躍入井中死。妻王氏自經。毓峒從子振孫以武舉効力行。間登城射石。賊多應弦而斃。城陷。眾解戎衣自匿。振孫大呼曰。我御史金毓峒姪也。賊支

金毓峒一家死節

朱之馮死節

解之毓峒子嬰婦陳氏年十八與其祖母張母楊嫂常一時盡投於井編李自成陷宣府巡撫朱之馮死之紀自成宿陽和遂長驅向宣府宣府叛將白廣恩貽總兵姜瓖襄書約降監視太監杜勳郊迎三十里軍民聚謀籍籍朱之馮懸賞勞去軍守城無一應者三命之咸叩頭曰願中丞聽軍民納款之馮獨行巡城見大砲曰汝曹試發之可殺數百人賊雖殺我無恨矣衆又不應之馮不得已乃自起然火兵民競挽其手之馮乃奪士卒刀自刎宣府軍民俱迎降於賊

徵勳戚大璫助餉

鄉紳張羅彥自殺編帝按籍勳戚大璫徵其助餉紀上遣太監徐高諭嘉定伯周奎為倡奎謝無有高拂然起曰外戚如此國事去矣多金何益奎奏捐萬金上少之勒其二萬太監王永祚曹化淳助至三萬五萬王之心最富上面諭之僅獻萬金諸內官各大書於門曰此房急賣復雜出雕鏤玩好去聲諸物陳於市以求售後賊拷王之心追十五萬他金銀器玩稱是周奎鈔見銀五十二萬珍幣復數十萬魏藻德首輸百金陳演既放未行名入訴清苦百官共議捐助勉

諭至再。時諭上等三萬金。皆無應。惟太康伯張國紀輸二萬餘不及也。又議前三門巨室。各輸糧給軍。且贍其妻孥。使無內顧。諸巨室多不樂而止。**編**大風霾。晝晦。命司禮太監王承恩提督內外京城。總督薊遼王承吉節制各鎮。**紀**賊警益逼。有勸上南遷者。上怒曰。卿等平日專營門戶。今日死守。夫復何言。諭兵部曰。都城守備有餘。援兵四集。何難刻期滅寇。敢有訛言惑衆。及私發家眷出城者。擒治。**編**分營都門。設大砲。給九門守者人百錢。召前太監曹化淳守城。**編**南

孝陵夜哭

京孝陵夜哭。太祖陵也。**編**風晦。寇自柳溝抵居庸關。**紀**柳溝天塹。見三卷。百人可守。竟不設備。總兵唐通太監杜之秩迎降。撫臣何謙偽死私遁。總兵馬岱自殺其妻子。疾走山海關。時京師以西諸郡縣望風瓦解。將吏或降或遁。偽權將軍移檄至京師。云十八日至幽州。即順天府。會同館暫繳京師大震。詔三大營屯齊化門外。**編**李自成兵陷昌平州。**紀**賊陷昌平州。屬順天府。諸軍皆降。總兵李守鏐去。罵賊不屈。手格殺數人。人不能執。諸賊圍之。守鏐拔刀自刎。賊焚十二陵。享殿傳警

至京師。先是上知寇警益急，下吳麟徵請徙寧遠疏。飛檄趣促吳三桂入關。三桂徙五十萬衆，日行數十里。是日始及關，賊騎已過昌平矣。太監高起潛棄關走西山，賊分兵掠通州。屬順天府糧儲上方御殿，召考選諸臣。閻裕餉安入，以次對，未及半，祕封入，上覽之，色變，卽起入。諸臣立候，移刻命俱退。始知爲昌平失守也。**編**李自成陷京師，帝自經于煤山，皇后及宮人魏氏、費氏皆死之。諸臣一時死難者四十餘人。**紀**賊乘夜自沙河而進，直犯平則門，竟夜焚掠，火光燭天。京

師內外城堞

堞。城上女垣。

凡十五萬四千有奇。

雞京營兵

疫，其精銳又太監選去登陣。

皮

羸弱五六萬人，內闔

數千人，守陣不充，無炊具，市飯爲餐，餉久闕，僅人給

百錢，無不解體。乙巳上早朝，召對諸臣而泣。俄聞賊

大至，方報過盧溝橋。

見三卷十二

俄攻平則彰義等門矣。

城外三大營皆潰。

會

降。火車巨砲皆爲賊有，賊反砲

攻城，轟聲震地。京軍五月無餉，一時驅守，率多不至。

每堵一人多不及，諸臣方侍班，襄城伯李國楨、匹馬

馳闕下，汗浹露衣，內侍呵止之。國楨曰：此何時也？君

明鑑易知錄 卷十五
臣卽求相見不可多得矣。內臣叩之曰：守軍不用命，鞭一人起一人，復臥如故。上召入，因命內臣俱守城。凡數千人，上括中外庫金二十萬犒軍。是日細民有痛哭輸金者，各授錦衣衛千戶。丙午寇攻城，砲聲不絕，流矢雨集。賊仰語守兵曰：亟開門，否且屠矣。守者懼，空砲向外，不實鉛子，徒以硝燄鳴之，猶揮手示賊。賊稍退，砲乃發，賊驅居民負木石填壕。壕，城下池也。急攻我發萬人敵大砲，誤傷數十人。守者驚潰，盡傳城陷。闔城號哭奔竄，賊駕飛梯攻西直平則德化三門，勢

甚危急。太常少卿吳麟徵累土填西直門，因單騎馳入西安門。吏部侍郎沈惟炳守門，曰：內守有宦寺百官不得入，奈何？麟徵排門而入。太監王德化語麟徵曰：守城人少，奈何？請增益之。麟徵至午門，遇大學士魏藻德，止之曰：兵部調度鐸兵餉已足，公何事張皇邪？藻德且出閣，上方休。公安從入，麟徵流涕。藻德挽之出，是日封劉澤清、東平伯。時左諭德楊士聰等入直，語閣臣左良玉、吳三桂俱封，而遺劉澤清。且臨清地近可虞也。閣揭上得封，都察院左都御史李邦華

至正陽欲登城。中貴拒之。李自成對彰義門設座。晉王代王左右席地坐。太監杜勳侍其下。呼城上人莫射。石我杜勳也。可繼下一人以語。守者曰。留二人下爲質。請公上勳曰。我杜勳無所畏。何質爲。提督太監王承恩繼之上。同入見大內。盛稱賊勢重。皇上可自爲計。守陵太監申芝秀自昌平降賊。亦繼上入。見備述賊犯上不道語。請遜位。上怒叱之。諸內臣請留勳。勳曰。有秦晉二王爲質。不反。則二王不免矣。乃縱之出。仍繼下。兵部尚書張縉彥奏曰。時勢如此危急。臣

屢至城闕欲覘。見三卷九城上守禦輒爲監視。抑沮。今聞曹化淳王化成。總賊杜勳上城。未知何意。恐有奸宄不測。章上手書遣縉彥上城按之。至城內監沮之如故。示以上傳始登。問杜勳安在。云昨暮上。今晨下之。已上聞無容致詰。又曰。尚有秦晉二王在城下。亦欲逼語。縉彥曰。秦晉二王既降賊。如何可上。化淳拂衣去。因閱城上守卒寥寥。兵部侍郎王家彥痛哭云。賊勢如此。監視將營兵調去。李襄城處尚有十之四。家彥所守兩堵。僅一卒。語未竟。城下坎牆聲急。王承

恩砲擊之。連斃數人。化淳化成飲酒自若。縉彥馳至內閣。約同奏。至宮門傳止之。上下詔親征。名駙馬都尉鞏求固謀以家丁護太子南行。對曰。臣等安敢私蓄家丁。卽有之。何足當賊。乃罷。已名王承恩。亟飭內員備親征。申刻彰義門啓。蓋曹化淳獻城開門也。賊恣殺掠。前大學士蔣德璟宿會館被創。昌。傷也。上亟召閣臣入曰。卿等知外城破乎。曰不知。上曰。事亟矣。今出何策。皆曰。陛下之福。自當亡慮。如其不利。臣等巷戰。誓不負國。命退。是夕。上不能寢。內城陷。一關奔告。

上曰。大營兵安在。李國楨何往。答曰。大營兵散矣。皇上宜急走。其人卽出呼之。不應。上卽同王承恩幸南宮。登萬歲山。望烽火燭天。徘徊踰時。回乾清宮。硃書諭內閣。命成國公朱純。臣提督內外諸軍事。來輔東宮。內臣持至閣。因命進酒。連沃數觥。肱。歎曰。苦我民爾。以太子慈。熒。末王慈。熒。定王慈。熒。分送外戚周田二氏。語皇后曰。大事去矣。各泣下。宮人環泣。上揮去。令各爲計。皇后頓首曰。妾事陛下十有八年。卒不聽一語。至有今日。皇后拊太子二王。慟甚。遣之出。后自經。上召

公主至年十五歎曰爾何生我家左袖掩面右手揮
刀斷短左臂未殊死手慄而止命袁貴妃自經繫絕
久之蘇上拔劍刃其肩又刃所御妃嬪數人名王承
恩對飲少頃易鞞出中南門手持三眼鎗雜內豎
數十人皆騎而持斧出東華門內監守城疑有內變
施矢石相向時朱純臣守齊化門因至其第閹人辭
焉上太息而去走安定門門堅不可啓天且曙曉也
矣帝御前殿鳴鐘集百官無一至者遂仍回南宮登
萬歲山之壽皇亭自經亭新成所閱內操處也太監

王承恩對綰上披髮御藍衣跪左足右朱履衣前書
曰朕自登極十七年逆賊直逼京師雖朕薄德匪躬
上干天咎然皆諸臣之誤朕也朕死無面目見祖宗
於地下去朕冠冕以髮覆面任賊分裂朕屍勿傷百
姓一人又書一行百官俱赴東宮行在猶謂閹臣已
得殊諭也不知內臣持殊諭至閣閣臣已散置几上
而反文武羣臣無一人知者先是內有秘室鑄鍵甚嚴相傳劉誠意藏祕
記於內非大變戒勿啓至是啓之得繪圖三軸末一
軸圖像酷肖聖容身衣白背心左足跣披髮中懸於
今無異誠天意也鑄鍵丁未昧爽旦微天忽雨俄
音決件鑄環也鍵鑰也

微雪。須臾城陷。賊先入東直門。殺守門御史王章。兵部侍郎張伯鯨走匿民舍。賊騎塞巷。大呼民間速獻騾馬。賊經象房橋。羣象哀鳴。淚下如雨。賊千騎入正陽門。投矢。令人持歸閉門。得免死。於是俱門書願。民太子走詣周奎第。奎臥未起。叩門不得入。因走匿內官外舍上之。出至南宮也。使人詣懿安皇后所。勸后自裁。倉卒不得達。兩宮已自盡。宮人號泣出走。宮中大亂。懿安皇后青衣蒙頭。徒步走入成國公第。尚衣監何新入宮。見長公主斷肩仆地。與宮人救之而蘇。

公主曰。父皇賜我死。我何敢偷生。何新曰。賊已將入。恐公主遭其辱。且至國丈府中避之。乃負之出。午刻。李自成擅笠縹飄上聲。帛青白色。衣。乘烏駁馬。偽丞相牛金星尚書宋企郊等五騎從之。時宮中大亂。諸賊帥率其騎皆環患也。甲執兵先入清宮。諸宮人逸出。遇賊復入。宮人魏氏大呼曰。賊入大內。我輩必遭所汙。有志者早為計。遂躍入御河死。頃聞從死者積一二百人。自成自西長安門入。彎弓仰天大笑。手發一矢。中坊之南偏。至承天門。自成顧盼自得。復彎弓指門接。

語諸賊曰。我一矢中其中字。必一統射之不中。中天字下。自成愕然。牛金星趨而進曰。中其下。當中分天下。自成喜。投弓而笑。司禮視印大監王德化。以內員三百人。先迎德勝門。令仍舊任。各監局印官迎。亦如之。因集選百餘人。餘皆散去。自成入宮。問帝所在。大索宮中。不得。偽尚璽卿黎某進曰。此必匿民間。非重賞嚴誅。不可得。今日大事不可忽也。乃下令。獻帝者賞萬金。封伯爵。匿者滅族。自成登皇極殿。據黼座。牛金星檄召百官。期二十一日。俱集於朝。自成同偽都

督劉宗敏等數十騎入大內。太監杜之秩。曹化淳等前導。自成責其背主。當斬。秩等叩首曰。識天命。故至此。自成叱去之。賊分宮嬪各三十人。牛金星軍師宋獻策等亦各數人。宮人費氏年十六。投簪淵井。井井無水。賊鉤出之。見其姿容。爭相奪。費氏給臺上聲。曰。我長公主也。若汝不得無禮。必告汝主。羣賊擁之。見自成。自成命內官審之。非是。賞部校羅賊。羅攜出。費氏復給曰。我實天潢黃之胤。義難苟合。惟將軍擇吉成禮。死生惟命。賊喜。置酒極歡。費氏懷利刃。俟賊醉。斷

殉難諸賢

短其喉立死。因自刎。自成。大驚。令收葬之。內臣獻太子。自成。留之西宮。封為宋王。太子不為。屈辛亥。改殯先帝后。出梓宮二。以丹漆殯先帝。黝憂上聲。微青黑色。漆殯先后。加帝翼善冠。袞玉。滲金鞞。后袍帶亦如之。初。賊犯都城。大學士范景文。知事不可為。歎曰。身為大臣。不能從疆場。少樹功伐。雖死奚益。十八日。召對。已不食三日矣。飲泣入告。聲不能續。翼日。城陷。景文望闕再拜自經。家人解之。乃賦詩二首。潛赴龍泉巷古井死。其妾亦自經。戶部尚書兼侍讀學士倪元璐。聞

難曰。國家至此。臣死有餘責。乃衣冠。向闕北謝天子。南謝母。索酒。招二友為別。酬漢壽亭侯像前。遂投繯。鉉題几案云。南都尚可為死。吾分也。慎勿棺衾。以志吾痛。因詔家人曰。若即欲殮。必大行。見二卷。殮。方收。吾屍。乃益意。死三日後。賊突入。見之。顏色如生。賊驚避他去。一門殉節。共十有三人。左都御史李邦華。聞難。歎曰。主辱臣死。臣之分也。夫復何辭。但得為東宮導。一去路死。庶可無憾。已矣。勢不可為矣。乃題閣門曰。堂堂丈夫。聖賢為徒。忠孝大節。矢死靡他。乃走文。

明鑑易知錄 卷十五 明懷宗 十七

丞相祠再拜。自經祠中。賊至。見其冠帶危坐。爭前執之。乃知其死。驚避去。左副都御史施邦曜聞變。慟哭。題詞於几曰。愧無半策。匡時難。但有微軀。報主恩。遂自縊。僕解之。復蘇邦曜叱曰。若知大義。毋久留我死。乃更飲藥而卒。大理寺卿凌義渠聞難。以首觸柱。流血。被面盡焚。其生平所著述。及評隲諸書。服緋正笏。望闕拜。復南向拜。訖。遺書上其父。有曰。盡忠即所以盡孝。能死庶不辱父。乃繫計帛奮身。絕吭阿也而死。協理京營兵部右侍郎王家彥。賊犯都城。奉命守得。

勝門。城陷。家彥自投城下。不死。折臂。足。其僕掖入民舍。自縊死。賊燔民舍。焚其一臂。僕收其遺骸歸刑部。右侍郎孟兆祥。賊犯都城。奉命守正陽門。賊至。死於門下。妻何氏亦死。其子進士章明收葬父屍。詎歸別其妻。王氏曰。吾不忍。夫人獨死。吾往從夫人。妻曰。爾死。吾亦死。章明以頭搶鏘上聲地。曰。謝夫人。然夫人須先死。乃遣其家人盡出。止留一婢在側。章明視妻。縊。取筆作詩。已。復大書壁曰。有侮吾夫婦屍者。吾必為厲鬼殺之。妻氣絕。取一屏置上。加緋服。又取一屏。

置妻左亦服緋自縊。屬祝婢曰：吾死亦置屏上，遂死。左諭德馬世奇是日方早食，聞變曰：是當死家人曰：奈太夫人何？世奇曰：正恐辱太夫人耳。遂作書別母。侍妾朱氏、李氏盛服前，世奇曰：若辭我去邪？二妾言：主人盡節，吾二人亦欲盡節。拜辭已，並入室自縊。世奇亦遂縊。家人救之，復蘇。告曰：聞聖駕已南幸矣，可爲從亡計。世奇不應。賭二妾已死，笑曰：若年少，遂能死乎？乃朝服捧敕，北面再拜，取冠帶焚之於庭，以司經局印置案上。屬僕曰：上如出幸，以此上行，在不則。

投之吏部，復南向拜母，端坐引帛，乃自縊死。左中允劉理順，賊入城，理順題於壁曰：成仁取義，孔孟所傳，文信踐之，吾何不然？酌酒自盡。其妻萬氏、妾李氏及子孝廉，并婢僕十八人，闔門縊死。賊多河南人，至其居曰：此吾鄉杞縣劉狀元也。居鄉厚德，吾軍奉李將軍令護衛公，何遽死也？數百人下拜泣涕而去。時謂臣死君，妻死夫，子死父，僕死主，一家殉難者，以劉狀元爲最。太常少卿吳麟徵奉命守西直門，賊勢急，同守者相繼避去。麟徵遺友人書曰：時事決裂，一旦至。

此同官潛身遠害某惟致命遂志自矢而已城陷徒步歸賊已據其邸因入道左三元祠時傳天子蒙塵有勸公南歸不應同官來招之降賊怒揮之戶外遂自經家人救之蘇泣而請曰明且待祝孝廉至可一訣麟徵許之先是祝孝廉淵以奏保劉宗周被逮留京師淵晨至麟徵酌酒慷慨與別曰自我登第時夢見隱士劉宗周題文信國文天祥零丁洋詩二語於壁數實爲之今老矣山河破碎不死何爲相對泣數行下因作書訣家人曰祖宗二百七十年宗社一旦而

失身居諫垣無所匡救法應禿恥也服殮時用角巾青衫覆以單衾藉以布席足矣茫茫泉路咽煙入寸心所以瞑予目者又不在于此也罪臣吳麟徵絕筆書畢投繯死之淵爲視舍去聲之口中日舍殮乃去右庶子周鳳翔上梓宮暴僕露東華門外鳳翔赴哭慟絕歸寓遺書訣父有曰男今日幸不虧辱此身貽兩大人羞吾事畢矣罔極之恩無以爲報矢之來生復作詩一首有碧血九泉依聖主白頭二老哭忠魂之句向闕再拜自縊二妾從之俱死簡討汪偉先

是聞賊漸近都城遺書友人曰京師單弱不惟不能戰亦不能守一死外無他計也及賊犯闕偉恠又祭安也不累日不食妻耿氏從容語曰苟事不測請從君共死城陷偉趨吳給事甘來所約同殉難歸與妻耿氏呼酒命酌偉大書前人語於壁曰志不可屈身不可降夫婦同死節義成雙為兩纒於梁間偉就右耿氏就左既皆縊耿氏復揮曰止止雖在顛沛夫婦之序不可失也復解纒正左右序而死戶科給事中吳甘來賊薄博京師兄禮部員外泰來至寓執甘來

手泣曰事勢至此奈何甘來曰有死無二義也城陷傳聞聖駕南出甘來曰上明且決必不輕出乃疾趨皇城不得入返寓家人進飲食却之有勸甘來潛遁者甘來曰今不能調兵殺賊顧欲苟全求活邪遂作書以後事屬祝其兄弟簡几上有疏草在曰畱此恐彰君過取火焚之兄子家儀奔至相與慟哭曰我不死無以見志汝父死無以終養古者兄弟同難必存其一使皇上在則土木袁彬英宗土木之變袁彬從遼國程濟建文遜國皆可為也否則求真人於白水漢光武中興起南陽

白水起斟鄩尋於有仍夏后相爲羿所逐依斟鄩國相后方娠逃歸有仍是我雖死猶生也弩力免之遂冠帶北向拜者五南向拜者四賦絕命詩一首引佩帶自縊死監察御史王章賊犯京師章與給事中光時亨同巡城至阜城門賊緣堞而上從人駭走賊持刃問曰降否章叱之曰不降賊以刃築其膝仆地遂遇害章子之棧後亦死難於閩甚烈與章同監察御史陳良謨聞變痛飲作詩爲縗於梁欲自盡妾時氏有娠震良謨謂之曰吾年踰五十無子汝幸有娠倘

生男以延陳氏血食汝必勉之時氏曰主人死妾將誰依與其爲賊辱不如無子也妾請先死以絕君念遂入投縗良謨別作一縗與之同盡監察御史陳純德時提督北直學校行部至易水試士未竟聞都城賊警卽戒裝入都不數日城陷自縊死四川道御史趙譔巡視中城捕賊謀殺之城陷賊獲譔譔瞋目大罵賊怒殺於白帽衚衕太僕寺丞申佳胤聞城陷投井死吏部員外許直都城陷時傳先帝從齊化門出有客勸曰天子南遷公等宜扈戶蹕偕行共圖光復

直唯之既而出門一望曰當此四面干戈駕將焉往
比聞帝崩號慟幾絕有客從旁慰解動以親老子幼
直曰有兄在吾無憂也是夜爲書報其父作詩六章
起拜闕已復拜父畢自縊死一手持繩尾一手上握
神氣如生兵部郎中成德賊報急卽致書同年馬世
奇曰主憂臣辱我等不能匡救貽禍至此惟有一死
以報國耳君常忠孝夙稟諒有同心也及帝崩梓宮
暴露東華門德以雞酒哭奠梓宮前賊怒露刃脇視
之不爲去聲動歸寓跪母張氏前哭母曰我知之矣入

室自縊死妻張氏亦死一子六歲德撲殺之然後自
殺兵部員外郎金鉉賊攻城急鉉跪母章氏前曰兒
世受國恩職任車駕城破義在必死得一僻地可以
藏母幸速去母曰爾受國恩我獨不受國恩邪事急
廡下井是吾死所鉉慟哭卽辭母往視事歸至御河
橋聞城陷鉉望寓再拜卽投入御河從人拯救鉉齧
其臂急赴深處時河淺俛首泥潭死之家人報至母
章氏亦投井死鉉妾王氏亦隨死其弟諸生鏞從哭
曰母死我必從死然母未歸土未敢死也遂棺殮其

母既葬三日復投井而死。光祿寺署丞于騰蛟冠帶呼妻亦衣命服同縊死。副兵馬使姚成中書舍人宋天顯皆自盡。中書舍人滕之所阮文貴經歷張應選咸投御河死。儒士張世禧二子懋賞懋官俱自經死。又菜傭湯之瓊見先帝梓宮過慟哭觸石死。襄城伯李國楨賊李自成昇預也對帝后梓宮於東華門外設廠百官過者莫進視。國楨泥首去。憤論髮有跟中踰見上卷。二北。奔赴跪梓宮前大哭。賊執國楨見自成復大哭以頭觸階血流被面。賊衆持之自成以好語誘

國楨使降。國楨曰有三事爾從我即降。一祖宗陵寢不可發。一須葬先帝以天子禮。一太子二王不可害。自成悉諾之。扶出賊以天子禮藁葬先帝於田貴妃墓。惟國楨一人斬衰徒步往葬。至陵襄事畢慟哭作詩數章。遂於帝后寢前自縊死之。新樂侯劉文炳賊破外城帝召文炳同駙馬鞏永固各率家丁二十餘人欲於崇文門突圍出不得乃回宮。文炳歎曰身為戚臣義不受辱不可不與國同難。其女弟適李年未三十而寡。文炳名之歸城陷與弟左都督文耀擇一

大井。驅子孫男女及其妹十六人。盡投其中。縱火焚。賜第。火然。俱投火死。祖母瀛國太夫人。卽帝外祖母也。年九十餘。亦投井死。駙馬都督鞏永固。從帝突圍。出不得歸家。殺其愛馬。焚其弓刀鎧仗。大書於壁曰。世受國恩。身不可辱。時樂安公主先薨。以黃繩縛子女五人於柱。命外舉火。遂自剄。太傅惠安伯張慶臻。聞城陷。盡散財物與親戚。置酒。一家聚飲。積薪四圍。全家燔死。宣城伯衛時春。聞變。合家赴井死。無一存者。錦衣衛都指揮使王國興。聞變。自縊死。錦衣衛指

揮同知李若珪守崇文門。城陷。作絕命詞云。死矣。卽爲今日事。悲哉。何必後人知。自縊死。錦衣衛千戶高文采守宣武門。城陷。一家十七人皆自殺。屍狼藉。籍於路。順天府知事陳貞達。自盡。陽和衛經歷毛維張。不屈死。百戶王某。周鍾。寓其家。百戶勸鍾死。鍾不應。出門欲降。百戶挽鍾帶至。斷鍾不聽。百戶自經。長洲生員許琰。鹽上。聞京師之變。悲號欲絕。遍體書崇禎。聖上四字。絕粒七日而死。會稽生員王毓。著聞京師之變。作致命詞。以見志。夜肅衣冠。赴柳橋水而死。

賊兵充塞街巷恣意淫掠。惟殉難諸臣家賊戒不敢騷擾。一時諸臣盡節稍不決烈者。卽被其拘執於朝。迫脇獻金。極刑拷掠。獻不滿意。仍復受刑。受刑不過。陳演仰藥死。魏藻德自勒死。方岳貢不食死。丘瑜自經死。賊毀太廟。遷太祖神主於歷代帝王廟中。賊每陞御座。輒目眩頭暈。鑄永昌錢。字不成文。有明制度。任意紛更。識者已知其終於賊矣。編平西伯吳三桂乞師於我。大清長驅而入。夏四月。賊李自成遁走。紀初三桂率

兵八援。聞京城已陷。頓兵山海走。

大清乞師。而後長驅以入。自成聞之大驚。勸三桂父襄作書招三桂。復遣唐通齎銀四萬兩犒師。別以賊兵二萬守關。三桂佯受其犒。而出不意。盡殺守關賊。遂復書絕父。四月。自成率精銳六萬衆。挾太子定王。末王及吳襄東行。向永平。三桂擊賊於關門。賊方合圍。

大清兵至。自成策馬先走。賊衆奔潰。三桂追賊至永平。又破之。自成奔還京師。三桂壓城而營。自成合十

八營拒戰。官軍擊之。賊死者二萬人。自成殺吳襄。盡戮其家口三十八口。懸襄首於城上。三桂披髮墜鞞。哭於地。三軍感憤。拔刀砍地。誓殺賊。丙戌。自成稱帝。即位於武英殿。丁亥。自成出彰義門西走。三桂輕騎追之。賊馬驟皆重載。自盧溝至固安。百里內所棄財物。婦女塞路。賊衆半散去。三桂追至保定。賊還兵而鬪。盡失其輜重。追至真定。復拒戰。官軍擊之。殺賊萬餘人。自成中流矢。拔營走山西。三桂以兵逐之。及關而止。遂還軍京師。後自成復遣兵出潼關。攻掠河南。又遣將至四川。略保寧一路。三桂

追至山西。自成數戰不利。遂走西安。追我大清兵西伐。自成南奔辰州。將合張獻忠。獻忠已入蜀。遂擁衆居武昌。五月。謀奪舟南下。取宜歙。將發。暴雨烈風。旗鎗盡折。自成由金牛保安走延寧。蒲圻沿道恣殺掠。過通城。命其下四十八部先發。通城有羅公山。山有元帝廟。山民賽會以盟。謀捍衛閭井。自成止以二十騎過山。呵騎止山下。自成單騎登山。入廟。見帝像伏謁。若有物擊之。不能起。村人疑為劫盜。取所荷鋪碎其首而死。或曰。自成在黔陽乏食。自出抄掠。為何騰蛟伏兵所逐。村民殺之。李過勒兵奪其尸。滅一村而還。結草為首。以袞冕葬於羅公山下。賊諸將奉李過為首。改名李繡。渡湖入險山中。後改名李赤心。羣編五月。我大清定鼎順天。奄有四海。億萬斯年。

尺木堂明鑑易知錄卷十五

七書正文 漢百年校全一冊

此各數板の誤字多く且唐本一ても一家の説を偏るものあり先生を乞而新正文を新刻す文字解明訓点訂正実素讀本の最上也

武經七書正本 全部十二卷 合卷三冊

明の茅元儀輯本にして廣く諸家の要を採其義を説く他の注書に勝るものあり讀者をして利害を曉しむるに迷也

武經直解 正文合參 龍頭七書 全五冊

全文を考正して下段に置廣く名家の説を直解して精説を標録し改定して原文注釈のち易かむ

軍法待用集

兵術要訓

旗指物之圖

武器名目考

軍器製作辨 全三冊

武藝小傳 全五冊

此書ハ中古以來武門ノ名賢達士ノ小傳ヲ輯タル書ニテ兵法諸礼ヲ馬鎗刀砲家柔術ニ至ルマテ其一流ノ祖ト仰ル程ノ人ハ斯ル名譽ヲシテ六丁ヲ正史ニヨリテ拔翠シタレ武門ニ於テ座ヲ放スベカラサル書ナリ

軍林一德鈔 全二十冊

孫吳義疏 全十冊

標注 七書俚語抄 神田白龍子著 全部廿五冊

此書ハ片假名をりて全部乃至五丁寧細密ニ注解せり実ニ初學者之にも讀易くしてよく合点のし書也

孫子經典餘師 百年先生著 全三冊

全部の意を平假名にて分りやすくしを會得し且上段ハ本文のよきを採りて補遺を改定しむ

吳子因字解 東山先生著 全二冊

全文乃趣を序かゝれて事しくこと附録ニ單騎着用辨刀鉞常用辨馬乘辨纒辨陣幕鎗合衆又去者詞ホ選擧して獨士乃とたき肝要のしむるを以て改

楠家傳七卷書 全五冊

此書ハ楠正成終リニ臨テ楠子正行ノ遺シ玉ヒシ兵書ニテ治國平天下ノ軍旅奇計士ノ養ヒ方兵粮ノ貯方ニ至ルマテモラス丁チク楠家累代家声ヲオトサルルモ至ク遺訓守ルニ因テナリ凡兵學ニ志ス人一閱セズニバアルベカラズ

兵法與義書 山本勘助入道記 全二冊

甲州ノ軍士山本道忠齋兵法ノ與義ヲ十七ヶ條ニ分チ日本兵法ノ祖源ト傳來ヲ記シ師弟次第夜討朝懸小奇討小荷駄運送ノ辨利ヲ示記タルナリ此書ヲ見テ甲州ノ兵ジユツノヲヨソナラザルヲシルベシ

武用寶鑑 大本 全五冊

日本武術系圖略 彦根藩志賀先生著 懷中入折本全一

方馬鎗力柔術或ハ兵法ハ數流アリテ其傳來詳ナラスニ遺憾ナラスヤ此書ハ中興

武家祖先ヨリ傳來ノ次序ヲ委シク記シタハ其流久ハ勿論他流ニモ何流ハ何々ノ傳ハリ何世ニ成ト去リテ堂中ニホ其簡便ナリ稀成書ナリ

七書正文 中本 全四冊

同 片力子 附 半紙本 全四冊

同 白文 林道春校 全四冊

同 素本 大本 全二冊

軍器要法 岡崎良梁著 全一冊

軍法古今辨 戰場ニ用ル器物古今 連得矢ヲ明ニ軍陳城取ホノ秘ト支終リ 二難軍誠ノ宜シキコトヲ委クコニ論ス

軍歌辨疑 全一冊

孫子集註 程治臣源著述 後學黃邦彦校 全七冊

武用藝術論 東都佚齋樗山著 全二冊

此書ハ怪トカリ 鈞術ノ氣合武術ノ奧義ヲ説リ 實ニ武門ノ標幹ナリ初心ノ人流義撰シテ此書 依テ心氣ヲ子ラハ武門ノ六藝速ニ上達スベキ書也

孫子三略考 全一冊

大坂心齋橋 唐物町書林 河内屋太助板

發行

江戸日本橋通二丁目 須原屋茂兵衛

同 淺草茅町二丁目 須原屋伊八

同 日本橋通二丁目 須原屋新兵衛

同 所 山城屋佐兵衛

同 芝神明前 岡田屋嘉七

同 下谷池之端仲町 岡村庄助

同 淺草廣德寺前 和泉屋庄治郎

同 横山町三丁目 和泉屋金右衛門

同 芝神明前 和泉屋古兵衛

大坂心齋橋通唐物町 河内屋太助板

書肆

早稲田大学図書館

011688996750